


लईका मन बर बाईबिल
प्रस्तुत करत हवे।

यीशु अउ
लाजर



लिखे गए हवे। : Edward Hughes

उत्साह बढ़ाए गए हवे। : Janie Forest

चयन करे गए हवे। : Ruth Klassen

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.


लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



मरियम अउ मारथा चिंतित रहिन । ओखर
भाई लाजर बेमार रहिस । बहिनी
मन ला पता रहिस की लाजर
झट के मर जाही । ओमन
यीशु करा गीन । ओहा
बेतनियाह के इ नानकन
परवार ला अब्बड़ परेम
करत रहिस ।



जब यीशु लाजर के बारे म सुनिस त ओहा अपन चेला ले कहिस,
“ये बिमारी हा भिरतु नई लानय।” हालांकि, यीशु कतेक मील दुरिहा
रहिस। ओला सित्तो म मालुम रहिस कि लाजर के संग म काय
होवय जात रहिस।



यीशु बेथानी जाय बर दु दिन अउ इनतजार करिस। फेर ओहा अपन चेला मन ला कुछु हइरानी कर देहे बाली गोठ कहिस। “लाजर मर गय हे। मय खुस हावय कि मय उंहा नई रहे, ताकि तुमन बिश्वास कर सकव।” येही अचरज गोठ के का मतलब रहिस? यीशु का करय के योजना बनात रहिस?



जब यीशु
बेथानी पहुंचिस, लाजर
चार दिन ले मरे परे रहिस।
कफन म लपटाय ओखर
सरीर, एक ठन कबर
बाला गुफा म रहिस।



मारथा यीशु ले मिले गिस! "यीशु हा कहिस, तोर भाई हा फेर ले जिंदा होही" मोला पता हे अन्त के दिन म पुनरूथान के बेरा मारथा हा जुआब दिस। ओहर गुनिस कि ओला फेर ले लाजर ला देखे बर अंत के बेरा तक इंतजार करय ला परहि।



लेकिन यीशु के कहे के मतलब कुछु अउ रहिस।







यीशु हा मारथा ला बताइस "मइच पुनरूथान अउ जीनगी हावय जोन मारे उपर बिश्वास करहि ओहा मर जाहि तहुले ओहा जीही।" मारथा हा यीशु म बिश्वास करिस। ओहा जानत रहिस कि ओहा भगवान के बेटा हावय। लेकिन ओहा लाजर के कइसे मदद करोइया रहिस?



लाजर के मउत के कारन जम्मो मनखे दुखी रहिन। तउन मन कर
बहिनी मरियम रोवत रहिस। ऐखरे सेती ओकर संगी ओला धीरज
देहे के कोशिस करत रहिस।
यीशु घलो रोइस।



यीशु मनखे मन के संग म
कबर म गिस। फइरका करा
एक ठन बड़खा पथरा
रखाय रहिस।



“पथरा ला हटावा,” यीशु हा आदेश
दिस। मारथा जुआब दिस, “परभु
ऐला मरे चार दिन हो चुके हे,
अब तो गंधात
घलो हे।”




यीशु के
आदेशानुसार पुरुष
मन पथरा ला हटा
दिन। तब यीशु हा अपन
स्वरग के ददा ले पराथना
करिस। यीशु एक अब्बड़ेच
महान चमतकार करे जात रहिस
जेन ले मनखेमन जानय कि
ओला भगवानेच हा भेजिस
हावय।



“लाजर!” यीशु
नरयाइस । “बाहिर
आवा!” मनखे मन गुफा
म नजर गडाके देखत रहे
होही । का यीशु एकठन मरे
हवे आदमी ला जिंदा
करे सकीस?





हाहो!
लाजर
गुफा ले
बाहिर आईस,
जियत-कफन
म लपटाय
हवे ।



“ओखर बंधन ला खोल
देवा, यीशु हा कहिस
ओला जान देवा ...”



आँसु हा हाँसी म बदल गिस, का खुसी रहिस!
यीशु हा अपन वादा ला पुरा करिस। लाजर
फेर ले जियत रहिस। खाली भगवान
के बेटाच एक ठन मरे आदमी
ला जिनगी देहे सकत हे।



जतकी झन येहा चमतकार ला देखिन,
यीशु म बिश्वास करिन। लेकिन कुछु
दुसर मन मंदिर के नेता मन-जेन ओखर
बइरी रहिन, तेउन ला ऐखर सुचना दिन।
चउकस रहे के संग ओमन यीशु ला मारे

के साजिस रचिन। जब
यीशु ला येहा मालुम
होइस ओहा थोरकुन
बेरा बर दुरिहा
चल दिस।



यीशु अउ लाजर

इ कथा हर भगवान के बचन के द्वारा एक ठी बाईबिल

पाए जाथे ।

युहन्ना 11

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

